

XIV.

Preface, p. xviii.

Rot. Franc. 6 Hen. VI. m. 3.

p' m'catorib's } Le Roi a toutz ceux qi cestes noz l'res verront ou
 Holland' & } orront salutz. Come nous de lavis & assent de nre
 Zelland' } conseil eiantz consideracion a les aunciens amistees
 alliances & amour mutuel les queux de long temps ount este fermement
 tenuz garde & observez entre noz roiaumes t'res & s'ies, et les t'res &
 s'ies de Holl' & de Zell' & p' esp'ale depuis q' la maison de Haynau a la
 mayson Denglet're p' p'ximate de sang fuist uniez & conjoint & q' *le*
feu de bone memorie le counte Alb't & duc Guille de Bayuier successive-
m't en lor temps comitees de Haynau Holl' & Zell' &c. se sont divenuz com-
paignons de nre Collee de Chivalrie del Ordre de Gartier en signe damistee
& amour p'petuell', et combien q' nre entencion ait estee soit & s'ra q'
 ceux des ditz t'res & seignuries de Holl' & Zell' les queux nous voullons
 traiter favoriser & demesner en toutz choses come noz bons & vrays amys
 & allies cōmuniquent & conv'sent tant en meer come en t're m'chande-
 ment & autrement amiablement franchement sagement & seurement en
 noz roialmes t'res & s'ies & ovec noz subgitz dicelles q'conques & p'
 esp'ale en nre roialme Denglet're & ovesq' nos subgitz de mesme nre
 roialme. Nientmains nous sōmes creablement enfourmez q' non obstanz
 les choses dessusditz les marchantz des ditz t'res de Holl' & Zell' accus-
 tumez de frequent' nre dit royaume Denglet're eient depuis acun temps
 en cea fait & fount uncore difficulte de y plus conv'ser, doutans q' a la
 pursuyte & requeste dascuns noz subgitz illoeqes ou autrement ils
 p'roient estre arestuz ou empeschiez en corps ou en biens en ycelluy nre
 roiaume Denglet're dont la marchandise p'roit estre retardee ainsi q'
 nre t'schier & t'samee uncle le Regent nre roialme de France duc de
 Bedford' & li t'srev'ent pier en Dieu nre t'schier & t'same cosyn le Car-
 dinal de Seint Eusebe nous ount remonstre p' lour l'res de la quele chose
 nous & nre dit conseil de p'decea sōmez t'sgndment esmerveillez.
 Pour ce est il q' nous desirans les ditz aunciens amistees & alliances
 estre toutdis garde & entretenuz sanz enfreindre & la marchandize
 gest tout utile & necessaire p' tout le monde estre contynue au bñ de la
 chose publiq' de lavis de nre dit conseil avons en conservacion & en-
 tretienement des dcēs aunciens amistees & alliances toutdis continuez
 consentz & octroiez consentons & octroions p' ces p'sentes a toutz
 marchantz des dcēs t'res de Holl' & Zell' qeconques non soulment jusques
 a la Toussains p'schein venant come p' noz marchantz de nre dit roiaume
 Denglet're nous ad este suppliez, mais desmaintenant sibien au dit t'me
 de Toussains come outre icelle t'me qils & ch'un de eux puissent entrier
 & venir marchandement p' t're & p' meer & mesner & faire mesner
 navires denrees & m'chandises or argent masles vaissell' joiaux & aut's

leur biens q'conques en ñre s'dit roialme Denglet're & es aut's places & lieux occupiez p' noz subgitz p'decea & p'dela la meer y estre demorir & sojourner fair leur p'fit & avantage de leur ditz denrees & marchandises les vendre & aliener a tielx p'sones & ainsi q' leur plerra y achater aut's m'chandises licites & les enmesner & faire enmesner par t're & p' meer & en retourner seurement ou boñ leur semblera en paiant toutesvoies les toulneux droitures & devoirs duz & accustumez. Saunz ceo q' ascun arrest enpeshement ou destourber leur y soit fait p' lres de marque contromarq' reprisaille ne autrement en ascune man'e. Si donons en mandement as toutz noz baillifs justices & offic's de ñre dit roiaume Denglet're & des aut's places & lieux occupiez p' noz subgitz p'decea & p'dela la meer leur lieutenants & a ch'un de eux si come a luy app'tiendra q' solonc ñre dit consentement & ottroie laissent facent & soefrent les ditz marchants des ditz t'res de Holl' & Zell' leur faitures familiers maistres des niefs & mariners & aut's des ditz t'res q'conques & ch'un de eux aler venir passer & repasser demorir & sojourner conv'ser & m'chander pesiblement & seurement en & p'my les lieux & passages de ñre dit roiaume Denglet're & des aut's places & lieux occupiez p' noz subgitz p'decea & p'dela la meer ensemble leur naviers m'chandises denrees & bñs q'conques sanz leur faire ou doner ne soeffrer estre fait ou donnez ne a ascun deulx empeshement ou destourber au contraire en corps ne en leur m'chandises denrees ou aut's biens en ascun man'e. En tesmoigne de quel chose nous avons fait mettre ñre g'unt seal a ces p'sents. Doñ a ñre palois a Westm. le primer jour de Juill'.

P' br'e de privato sigillo.